



Federata Shqiptare e Futbollit

Statuti i Federatës Shqiptare të Futbollit

Botim zyrtar, 2017

Botim Zyrtar 2017

Federata Shqiptare e Futbollit

President:

Armand DUKA

Sekretar i Përgjithshëm:

Ilir SHULKU

Themeluar: 1930

Anëtare e UEFA-s: 1954

Anëtare e FIFA-s: 1930

Realizoi botimin: "Reklama"

PERMBAJTJA

I. PËRCAKTIMI I TERMAVE.....	7
II. HYRJE.....	8
III. RREGULLA TË PËRGJITHSHME.....	8
Neni 1 Forma ligjore, Selia.....	8
Neni 2 Shkurtimi, Flamuri, Emblema, Vula dhe Gjuha.....	9
Neni 3 Objektivat.....	9
IV. ANETARET.....	11
Neni 4 Kategoritë e anëtarëve.....	11
Neni 5 Kushtet për anëtarësim.....	11
Neni 6 Procedura për të marrë statusin e anëtarit.....	13
Neni 7 Vendime mbi anëtarësimin.....	13
Neni 8 Forma ligjore e FSHF dhe anëtarëve të saj.....	13
Neni 9 Të drejtat e anëtarëve.....	14
Neni 10 Detyrimet e anëtarëve.....	14
Neni 11 Dorëheqja e një anëtari.....	16
Neni 12 Pezullimi.....	16
Neni 13 Humbja e anëtarësisë.....	16
Neni 14 Humbja e antarësisë për shkak të përjashtimit.....	17
Neni 15 Shpërbërja.....	17
Neni 16 Humbja e anëtarësisë për shkak të Shpërndarjes.....	17
Neni 17 Raste të veçanta.....	18
Neni 18 Presidenti i Nderit dhe Anëtarët e Nderit.....	18
V. ORGANIZATA.....	19
Neni 19 Lista e organeve.....	19
A. Asambleja e Përgjithshme.....	20

Neni 20 Përcaktimi, përbërja dhe Komisioni i Verifikimit.....	20
Neni 21 Emërimi i delegatëve.....	21
Neni 22 Numri dhe përcaktimi i delegatëve.....	21
Neni 23 Fushat e autoritetit (kompetencat).....	21
Neni 24 Asambleja e Përgjithshme e Zakonshme.....	22
Neni 25 Rendi i ditës për Asamblenë e Përgjithëshme të Zakonshme.....	23
Neni 26 Asambleja e Përgjithshme e Jashtëzakonshme.....	24
Neni 27 Numri i duhur i votave (Quorum).....	24
Neni 28 Drejtimi i Asamblesë së Përgjithshme.....	25
Neni 29 Marrja e Vendimeve.....	26
Neni 30 Zgjedhjet.....	26
B. Komiteti Ekzekutiv.....	27
Neni 31 Përbërja.....	27
Neni 32 Kohëzgjatja e mandateve.....	28
Neni 33 Mbledhjet.....	29
Neni 34 Kompetencat.....	30
Neni 35 Vendim-marrjet.....	31
Neni 36 Presidenti.....	32
Neni 37 E drejta e firmosjes.....	32
C. Organet e kontrollit financiar.....	33
Neni 38 Kontrollues të pavarur.....	33
D. Organet gjyqesore.....	33
Neni 39 Dispozita të përgjithshme.....	33
Neni 40 Pavarësia dhe Abstenimi.....	34
Neni 41 Komisioni Disiplinor.....	35
Neni 42 Komisioni i Apelit.....	35
Neni 42/1 Dhoma e Zgjidhjes së Konflikteve.....	36
Neni 42/2 Komisioni i Etikës.....	37
Neni 43 Inspektorët e Disiplinës.....	37
Neni 44 Lista e masave disiplinore.....	38
E. Sekretariati i përgjithshëm.....	39
Neni 45 Detyrat.....	39
Neni 46 Sekretari i Përgjithshëm.....	40
VI. FINANCA.....	40
Neni 47 Periudha financiare.....	40

STATUTI I FEDERATES SHQIPTARE TE FUTBOLLIT

Neni 48 Të ardhurat	40
Neni 49 Shpenzimet.....	41
Neni 50 Parimet e llogarisë.....	41
VII. GARAT DHE TË DREJTAT NË GARA DHE EVENIMENTE.....	42
Neni 51 Organizimi i ndeshjeve.....	42
Neni 52 Pjesëmarrja në garat e klubeve.....	43
Neni 53 Integriteti sportiv i kompeticioneve kombëtare, ngjitja dhe rënia nga kategoria, si dhe bashkëpronësia.....	44
Neni 54 Lojtarët, trajnerët, doktorët, fizioterapistët, arbitrate, delegatët e ndeshjeve, agjentë ndeshjes së FIFA dhe UEFA, agjent lojtarësh dhe zyrtarë klubesh.....	44
Neni 55 Të drejtat (duke përfshirë të drejtat e medias, etj).....	45
VIII. SHPËRBËRJA	46
Neni 56 Vendimet	46
Neni 57 Dispozitat mbi pasuritë	46
IX. DISPOZITA PERFUNDIMTARE.....	46
Neni 58 Çështje që nuk janë parashikuar në Statutet.....	46
Neni 59 Miratimi dhe data e hyrjes në fuqi	46
Neni 60 Dispozita të përkohëshme	47

Botim Zyrtar 2017

I. PERCAKTIMI I TERMAVE

Në interpretimin e termave të këtij Statuti dhe të Rregulloreve të Federatës Shqiptare të Futbollit fjalët dhe shkurtime të mëposhtme përfaqësojnë (sipas rendit alfabetik):

- **“Gjykata e Arbitrazhit”**: Gjykatë e vetme e pavarur dhe e paanshme ose një panel arbitrazhi e krijuar nga persona privatë, që vepron në vend të një gjykate të zakonshme brenda qëllimit dhe fuqive të caktuara në përputhje me ligjet shqiptare në fuqi.
- **“Asambleja”**: do të nënkuptojë Asamblenë e Përgjithshme si organ më i lartë i FSHF-së.
- **“CAS”**: do të thotë Gjykata e Arbitrazhit Sportiv në Lausanne (Zvicër).
- **Komiteti Ekzekutiv, ose “KE”**: do të nënkuptojë organin Ekzekutiv të FSHF-së, i cili funksionon në përputhje me dispozitat e këtij statuti.
- **“FIFA”** do të nënkuptojë Federatën Ndërkombëtare të Shoqatave të Futbollit.
- **“FSHF”** ose **“Federatë”** do të nënkuptojë Federatën Shqiptare të Futbollit.
- **“IFAB”** do të thotë Bordi Ndërkombëtar i Shoqatave të Futbollit, i cili nxjerr dhe modifikon Ligjet e Lojës.
- **“Liga”** do të nënkuptojë kombinim ose grup klubesh brenda territorit të FSHF-së, e cila varet dhe është nën autoritetin e FSHF-së.
- **“Zyrtar”**: do të nënkuptojë një anëtar të një bordi/organizate, anëtar Komisioni, trainerët, arbitrat dhe asistentët e arbitrave, zyrtarët e katërt, personat përgjegjës për çështjet teknike, mjekësore dhe administrative në FSHF dhe anëtarët e FSHF-së.
- **“Gjykata e Zakonshme”**: Gjykata me juridiksion të zakonshëm në Shqipëri, që marrin vendime në lidhje me mosmarrëveshje, në bazë

të kompetencave të tyre sikurse është vendosur në Kushtetutën e Shqipërisë dhe nga legjislacioni tjetër shqiptar.

- “**Lojtar**”: do të nënkuptojë një futbollist të regjistruar në FSHF.
- “**UEFA**” do të nënkuptojë Bashkimin e Shoqatave Europiane të Futbollit.

II. HYRJE

Federata Shqiptare e Futbollit është themeluar më 6 Qershor 1930 dhe është anëtare e Federatës Ndërkombëtare të Shoqatave të Futbollit (FIFA) prej vitit 1932 dhe e Bashkimit të Shoqatave Europiane të Futbollit (UEFA) prej vitit 1954. Federata Shqiptare e Futbollit është anëtare e Komitetit Olimpik Shqiptar dhe organi i vetëm kompetent për të organizuar futbollin në territorin e Shqipërisë.

III. RREGULLA TE PERGJITHSHME

Neni 1

Forma ligjore, Selia

1. Federata Shqiptare e Futbollit është person juridik, shoqatë, e cila përfaqëson bashkimin vullnetar të shoqatave dhe klubeve sportive të futbollit në Republikën e Shqipërisë, të cilat veprojnë në përputhje me dispozitat e Kodit Civil, Ligjit Nr.8789, datë 27.05.2001 “Për regjistrimin e organizatave jofitimprurëse”, Ligjit Nr.9376, date 21.04.2005 “Për Sportin”, dhe akte të tjera ligjore e nënligjore që drejtojnë këtë aktivitet.
2. Federata Shqiptare e Futbollit është e detyruar të respektojë statutet, rregulloret, direktivat dhe vendimet FIFA-s dhe UEFA-s.
3. Federata është asnjëanëse në çështjet politike dhe fetare.
4. Diskriminimi i çdo lloji kundër një vendi tjetër, personi privat ose grupi njerëzish në lidhje me origjinën etnike, gjinore, gjuhën, fenë, politikat ose ndonjë arsye tjetër është krejtësisht e ndaluar dhe dënohet me pezullim, përjashtim, ose ndonjë vendim tjetër disiplinor.
5. Federata është themeluar për një periudhë të pakufizuar kohe dhe ka

STATUTI I FEDERATES SHQIPTARE TE FUTBOLLIT

pavarësi të plotë teknike, organizative dhe administrative në zbatimin e veprimtarive të saj. Ajo respekton autoritetin e shtetit.

6. Selia e saj ndodhet në qytetin e Tiranës në adresën Rruga Elbasanit.
7. Asambleja e Përgjithshme, me propozim të Komitetit Ekzekutiv të FSHF vendos për ndryshimin e selisë së FSHF-së.

Neni 2

Shkurtimi, Flamuri, Emblema, Vula dhe Gjuha.

1. Federata Shqiptare e Futbollit përdor shkurtimin “FSHF”.
2. Emblema dhe flamuri i FSHF-së përbëhet nga një rreth i kuq brenda të cilit është simboli i flamurit kombëtar, shqiponja në ngjyrë të zezë, rrethuar nga një kornizë rrethore në ngjyrë të bardhë, branda të cilës është shkruar Federata Shqiptare e Futbollit 1930.
3. Vula është rrethore dhe përfshin emblemën e FSHF-së.
4. Gjuha zyrtare e FSHF është shqipja.
5. Sipas rregullave, FSHF ka regjistruar flamurin, stemën dhe shkurtimin në përputhje me legjislacionin kombëtar.

Neni 3

Objektivat

1. FSHF është organizatë jofitimpruese, prandaj, çdo e ardhur që fitohet do të ri-investohet në aktivitete futbollit.
2. FSHF ndjek objektivat e mëposhtme:
 - a. Të zhvillojë, promovojë, kontrollojë dhe rregullojë aktivitetin sportiv të shoqatës së futbollit në të gjitha format e tij, përgjatë gjithë territorit të Republikës së Shqipërisë, në përputhje me statutet, rregulloret dhe direktivat e adoptuar nga FIFA dhe UEFA.
 - b. Të organizojë gara në shoqatën e futbollit në të gjithë format e tij në nivel kombëtar, duke përcaktuar saktësisht, siç kërkohet, kompetencat që i lejohen niveleve të ndryshme të ligave.
 - c. Të kontrollojë dhe mbikëqyrë të gjitha ndeshjet miqësore dhe

- zyrtare të futbollit të të gjitha formave të luajtura në Republikën e Shqipërisë.
- d. Të përdorë eksperiencën e saj për të ndihmuar rritjen dhe zhvillimin e marrëdhënieve miqësore midis anëtarëve të FSHF-së, duke inkurajuar frymën e tolerancës, të mirëkuptimit dhe lojës së drejtë (Fair Play) në të gjitha nivelet e ndeshjeve.
 - e. Të organizojë, administrojë dhe kontrollojë disiplinën dhe lojën e futbollit në Republikën e Shqipërisë.
 - f. Të përpilojë rregulla dhe masa dhe të sigurojë zbatimin e tyre.
 - g. Të respektojë dhe të ndalojë çdo shkelje të statuteve, rregulloreve, direktivave dhe vendimeve të FIFA-s, UEFA-s, FSHF-së, gjithashtu dhe Rregullat e Lojës dhe të sigurojë që këto të respektohen gjithashtu nga antarët e saj.
 - h. Të organizojë aktivitete të nivelit ndërkombëtar dhe kombëtar.
 - i. Të mbrojë interesat e përbashkëta të shoqatave të futbollit dhe të anëtarëve të saj.
 - j. Të menaxhojë lidhjet sportive ndërkombëtare lidhur me shoqatën e futbollit në të gjitha format e saj dhe me gjithë partnerët (FIFA, UEFA, shoqatat kombëtare etj.)
 - k. Të ekuilibrojë dhe normalizojë interesat e përgjithshme të futbollit në rastet e mosmarrëveshjeve midis anëtarëve të saj.
 - l. Të mbështesë dhe përkrahë iniciativat e anëtarëve të saj, për rritjen e të ardhurave të tyre, konform legjislacionit në fuqi.
 - m. Të organizojë konferenca, seminare, kurse trajnimi dhe të sigurojë informacion mbi aktivitetet dhe anëtarët e saj.
 - n. Të mbajë kontakte dhe të bashkëpunojë me shtetin sidomos në lidhje me strategjinë dhe politikat për zhvillimin e futbollit dhe ato që kanë të bëjnë me legjislacionin për sportin.
 - o. Të sigurojë asistencë, sponsorizime, donacione nga burime të ndryshme brenda dhe jashtë vendit si dhe subvencione nga shteti.

IV. ANETARËT

Neni 4

Kategoritë e anëtarëve

1. FSHF mund të ketë anëtarë vetëm subjekte që janë njohur dhe regjistruar si të tillë nga organet kompetente shtetërore që përcakton legjislacioni në fuqi. Statutet dhe aktet themelore të këtyre subjekteve duhet të jenë në çdo rast në përputhje me këtë Statut dhe rregulloret apo aktet e tjera të FSHF.
2. FSHF mund të ketë vetëm këto kategori anëtarësh:
 - a. Klube futbollit
 - b. Subjekte që grumbullojnë dhe përfaqësojnë individë që ushtrojnë profesione të lidhura me futbollin.
 - c. Subjekte që grumbullojnë dhe përfaqësojnë klube për kategori specifike futbollistësh që lidhen me moshën, gjininë apo me lloje të veçanta të futbollit.
 - d. Subjekte që grumbullojnë dhe përfaqësojnë klube që i takojnë një rajoni të caktuar gjeografik, bazuar në ndarjen rajonale të përcaktuar nga Asambleja.

Neni 5

Kushtet për anëtarësim

1. Çdo kërkesë për t'u anëtarësuar në FSHF duhet të bëhet me shkrim dhe duhet t'i dërgohet Sekretarisë së Përgjithshme të FSHF duke e shoqëruar me:

- a. Një deklaratë që vërteton se i interesuari jeton brenda territorit Shqiptar dhe janë rregjistruar si një subjekt ligjor tek autoritetet kompetente.
 - b. Një deklaratë që garanton se i interesuari do të luajë të gjitha ndeshjet zyrtare vetëm në territorin Shqiptar, përveç rastit kur vendoset ndryshe nga organet kompetente.
 - c. Një deklaratë që siguron se përbërja ligjore e aplikantit garanton se ai mund të marrë vendime në mënyrë të pavarur nga ndonjë ent tjetër.
 - d. Një kopje të statutëve dhe rregulloreve të saj, të vlefshme ligjërisht.
 - e. Një deklaratë që do ti bindet gjithmonë Statuteve, rregulloreve, direktivave dhe vendimeve të FSHF, FIFA dhe UEFA dhe Kodit të Etikës së FIFA-s si dhe siguron që keto do të respektohen nga anëtarët e tij (zyrtarët dhe lojtarët etj).
 - f. Një deklaratë që do të respektojë Ligjin e Lojrave të botuar nga IFAB dhe Ligjin e Lojrave të Minifutbollit botuar nga Komiteti Ekzekutiv i FIFA-s.
 - g. Një deklaratë që njeh Gjykatën e Arbitrazhit për çështje kombëtare dhe Gjykatën e Arbitrazhit të Sportit (CAS) në Lausanne (Zvicër) për çështjet ndërkombëtare, në përputhje me Statutet korresponduese të FIFA-s dhe UEFA-s.
 - h. Një listë të zyrtarëve, me emrat e personave të autorizuar për firmosje me të drejtën për të hyrë në marrëveshje ligjore me një palë të tretë.
 - i. Një deklaratë që merr përsipër të organizojë ose të marrë pjesë në ndeshje miqësore vetëm duke marrë më parë miratimin nga FSHF-ja.
 - j. Një kopje të protokollit të mbledhjes më të fundit të Asamblesë së Përgjithshme ose të takimit konstitucional.
2. Sekretari i Përgjithshëm vërteton marrjen e kërkesës për anëtarësim të aplikantit.

Neni 6

Procedura për të marrë statusin e anëtarit

1. Komiteti Ekzekutiv i FSHF-së miraton rregulloren për anëtarësim.
2. Sekretariati i Përgjithshëm verifikon plotësimin e kërkesës për anëtarësim dhe përgatit një raport me shkrim për Komitetin Ekzekutiv të FSHF-së.
3. Komiteti Ekzekutiv shqyrton kushtet e anëtarësisë dhe vendos nëse kërkesa për anëtarësim i plotëson të gjitha kërkesat dhe bën një rekomandim për Asamblenë e Përgjithshme, e cila duhet të vendosë për pranimin.

Neni 7

Vendime mbi anëtarësimin

1. Asambleja e Përgjithshme e FSHF-së është i vetmi organ që ka të drejtë të pranojë një aplikant si anëtarin e ri të FSHF-së.
2. Midis dy Asambleve të Përgjithshme, Komiteti Ekzekutiv i FSHF-së mund t'i japë anëtarësim provizor një kandidati, i cili përmbush të gjitha kërkesat statutores përcaktuar në Nenin 5 si më sipër.
3. Anëtari i ri duhet të marrë të drejtat dhe detyrat e anëtarit sapo ai është pranuar. Delegatët kanë të drejtë të votojnë dhe të zgjidhen me efekt të menjëhershëm.

Neni 8

Forma ligjore e FSHF dhe anëtarëve të saj

1. FSHF është bashkimi në formën e një organizate private me natyrë shoqate në përputhje me ligjet në fuqi në Republikën e Shqipërisë për organizatat jo-fitimprurëse.
2. Anëtarët e FSHF-së krijohen në një nga format ligjore të parashikuara në ligjin për sportin.

Neni 9

Të drejtat e anëtarëve

1. Anëtarët e FSHF kanë të drejtat e mëposhtme:
 - a. Të pajisen me kartën e anëtarësimit.
 - b. Të njihet më parë me axhendën e çdo Asambleje të Përgjithshme, të ftohet në takim në kohën e përcaktuar, të marrë pjesë në mbledhje dhe të ushrojë të drejtën për të votuar.
 - c. Të jetë i informuar për veprimtaritë e FSHF.
 - d. Të marrë pjesë në aktivitetet sportive që organizohen nën patronazhin e FSHF, në përputhje me rregulloret e saj.
 - e. Të propozojë kandidatët për organet e FSHF për t'u zgjedhur në Asamblenë e Përgjithshme.
 - f. Të hartojë propozime për axhendën e Asamblesë së Përgjithshme.
 - g. Të marrë falas raportet vjetore dhe botimet e tjera të FSHF.
 - h. Të gjitha të drejtat e tjera që dalin nga ky statut ose ato që njihen nga rregulloret, direktivat dhe vendimet e FSHF.
2. Ushtrimi i këtyre të drejtave është subjekt i dispozitave të tjera në këto Statute dhe në rregulloret e aplikueshme.

Neni 10

Detyrimet e anëtarëve

1. FSHF dhe anëtarët e saj kanë detyrimet e mëposhtme:
 - a. Të respektojë Statutet, rregulloret, direktivat dhe vendimet e FSHF, FIFA dhe UEFA, gjithashtu të respektojnë Kodin e Etikës së FIFA-s.
 - b. Të njohë autoritetin e Gjykatës së Arbitrazhit për Sportin (CAS) në Lozanë (Zvicër) sikurse është specifikuar në dispozitat përkatëse të Statuteve të FIFA dhe UEFA.
 - c. Çdo mosmarreveshje e dimensionit kombëtar që del nga/ose lidhet me aplikimin e statuteve ose rregulloreve të FSHF ose ndonjë kontratë, i duhet referuar një Gjykate të pavarur dhe të paanëshme të arbitrazhit, që është Gjykata e Arbitrazhit për Sportin në Lausanne siç është specifikuar në dispozitat përkatëse të Statuteve të FIFA

STATUTI I FEDERATES SHQIPTARE TE FUTBOLLIT

dhe UEFA derisa legjislacioni shqiptar të ketë ngritur një gjykatë të përshtatshme arbitrazhi në Shqipëri e cila plotëson kërkesat minimale të FIFA-s dhe UEFA-s. Gjykata e Arbitrazhit për Sportin në Lausanne do të zgjidhë mosmarrëveshjet në vend të ndonjë gjykate tjetër të zakonshme, derisa kjo të ndalohet nga legjislacioni në fuqi në Shqipëri.

- d. Të jetë besnik ndaj FSHF që nënkupton në veçanti që anëtarët duhet të mos marrin veprime kundër interesave të FSHF.
 - e. Të njohë principet e besnikërisë, integritetit dhe sjelljes korrekte sportive si një shprehje e lojës së ndershme (fair play);
 - f. Të respektojë dhe zbatojë Ligjet e Lojës së IFAB dhe Ligjet e Lojës për Minifutbollin të botuar nga Komiteti Ekzekutiv i FIFA;
 - g. Të sigurojë që anëtarët e tij, lojtarët, zyrtarët, agjentët e ndeshjeve dhe të lojtarëve njohin dhe pranojnë të gjitha detyrimet e përmendura më sipër;
 - h. Të sigurojë që organi ekzekutiv i tyre është i zgjedhur me zgjedhje të lira dhe kur është e rëndësishme edhe organi i tij ligjor.
 - i. Të paguajë të gjitha detyrimet financiare ndaj FSHF dhe anëtarëve të saj.
 - j. T'i njoftojë FSHF për ndonjë ndryshim në statutet dhe rregulloret e anëtarit si dhe për listën e personave ose zyrtarëve të autorizuar për të firmosur me të drejtë për të hyrë në marrëveshje ligjore me palë të treta.
 - k. Të mos mbajë asnjë lidhje të natyrës sportive me subjekte të panjohura nga FSHF.
 - l. Të sigurojë të dhënat e kërkuara statistikore për anëtarin e FSHF, anëtarin e tij dhe qendrën e trainimit
 - m. Të njohë të gjitha detyrimet e tjera që dalin nga këto statute, rregullore, direktiva dhe vendime të FSHF.
 - n. Të zbatojë detyrimet në nenin 5 për periudhën kohore të anëtarësimit të tyre.
2. Anëtarët e FSHF-së duhet të integrojnë në statutet e tyre detyrimet e lartpërmendura për anëtarët e tyre.
 3. Shkelja e detyrimeve të lartpërmendura nga ndonjë anëtar mund të sjellë sanksione të parashikuara në këtë Statut.

Neni 11

Dorëheqja e një anëtari

1. Statusi i anëtarit përfundon kur një anëtar jep dorëheqjen.
2. Dorëheqja nuk e liron anëtarin nga përgjegjësitë financiare ndaj FSHF ose ndonjë anëtari të saj.
3. Një dorëheqje e tillë kërkon një njoftim me shkrim për Komitetin Ekzekutiv të FSHF të paktën 6 muaj përpara përfundimit të sezonit sportiv.

Neni 12

Pezullimi

1. Shkelja serioze e statuteve, rregulloreve, direktivave dhe vendimeve të FSHF mund të rezultojë në pezullimin e anëtarit nga FSHF për një periudhë deri në 2 (dy) vjet maksimum, në bazë të vendimit nga Asambleja e Përgjithshme.
2. Në raste urgjente Komiteti Ekzekutiv mund të pezullojë përkohësisht një anëtar. Në një rast të tillë, pezullimi është në fuqi deri në Asamblenë e Përgjithshme të radhës, e cila merr një vendim në lidhje me këtë masë.
3. Anëtari i pezulluar humbet menjëherë të drejtat e tij të anëtarësisë veçanërisht të drejtën për të votuar në Asamblenë e Përgjithshme dhe të propozojë kandidatë për zgjedhje në organet e FSHF.
4. Komisioni i Disiplinës mund të imponojë sanksione të mëtejshme.

Neni 13

Humbja e anëtarësisë

Asambleja e Përgjithshme mund të përjashtojë një anëtar për:

1. Shkelje të rënda ose të përsëritura të Statuteve, rregulloreve, direktivave dhe vendimeve të FSHF-së.
2. Asambleja e Përgjithshme mund të përjashtojë një anëtar edhe në rast se ky i fundit nuk merr pjesë në aktivitetet e FSHF-së për një periudhë 1 vjeçare.

Neni 14

Humbja e antarësisë për shkak të përjashtimit

1. Kërkesa për përjashtimin e një anëtari të FSHF mund ti parashtrohet Asamblesë së Përgjithshme nga Komiteti Ekzekutiv me anë të kërkesës me shkrim dhe baza të forta të:
 - a. Komiteti Ekzekutiv i FSHF ose;
 - b. Organi Gjyqësor i FSHF
2. Para se një kërkesë e tillë ti parashtrohet Asamblesë së Përgjithshme, Komiteti Ekzekutiv mund ti kërkojë Komisionit Verifikues ta studiojë kërkesën dhe të hartojë një draft me opinion ligjor për Asamblenë e Përgjithshme.
3. Anëtari në fjalë ka të drejtë të dëgjohet dhe i kërkohet të parashtrojë deklaratën e tij me shkrim në lidhje me kërkesën për përjashtim. Një anëtar i tillë mund të kërkojë gjithashtu ti prezantojë Asamblesë së Përgjithshme një deklaratë të shkurtër.
4. Asambleja e Përgjithshme e merr vendimin duke u bazuar në Nenin 28 me efekt të menjëhershëm, në qoftë se nuk vendos ndryshe. Thyerja serioze e Statuteve, rregulloreve, direktivave dhe vendimeve të FSHF mund të rezultojë në pezullimin e anëtarit nga FSHF për një maksimum prej dy vjetësh, siç mund të vendoset nga Asambleja e Përgjithshme.

Neni 15

Shpërbërja

Shpërbërja e një enti ligjor të një anëtari mund të jetë vullnetar ose ligjor. Në secilin rast rezulton në humbjen e statusit të anëtarit të FSHF, madje përpara se të arrihet faza e likuidimit.

Neni 16

Humbja e antarësisë për shkak të Shpërndarjes

1. Nëse një anëtar i FSHF shpërndahet për ndonjë arsye ligjore në bazë të

ligjit kombëtar, anëtarësia e tij me FSHF do të përfundojë në të njejtën kohë që personaliteti ligjor pushon së ekzistuari.

2. Komiteti Ekzekutiv i një anëtari të tillë ka për detyrë të informojë Komitetin Ekzekutiv të FSHF kur fillohen të tillë procedura shpërndarje.
3. Komiteti Ekzekutiv i FSHF mund të marrë çfarëdolloj hapi të nevojshëm për të mbështetur atë anëtar ose mund të detyrojë pasuesin e mundshëm ligjor të këtij anëtari që të përmbushë të gjitha detyrimet financiare të anëtarit që është shkëputur.

Neni 17

Raste të veçanta

Statusi i anëtarit humbet edhe për arsye të tjera të parashikuara në ligjin Shqiptar.

Neni 18

Presidenti i Nderit dhe Anëtarët e Nderit

1. Me propozimin e KE, Asambleja e Përgjithëshme mundet të jap titullin e presidentit të nderit ose anëtarit të nderit çdo personi për merita në shërbim të futbollit.
2. Presidenti i nderit ose anëtari i nderit mundet të marrin pjesë në Asamblenë e Përgjithëshme. Ata mundet të diskutojnë por nuk kanë të drejtë vote.

V. ORGANIZATA

Neni 19

Lista e organeve

1. Organet e mëposhtëm kanë statusin e organeve të FSHF-së:
 - a. Organi Legjislativ: Asambleja e Përgjithëshme
 - b. Organi Ekzekutiv: Komiteti Ekzekutiv
 - c. Organet Gjykuese:
 - i. Komisioni i Disiplinës,
 - ii. Komisioni i Apelit.
 - iii. Dhoma Kombëtare e Zgjidhjes së Konfliktëve
 - iv. Komisioni i Etikës
 - v. Inspektorët e Disiplinës
 - vi. Komisioni i Licensimit të Klubeve
 - vii. Komisioni i Apelit për Licensimin e Klubeve
 - d. Organi Administrativ: Sekretari i Përgjithshëm
2. FSHF emëron një kompani audituese të pavarur që ka eksperiencën dhe kualifikimin e nevojshëm për auditimin e llogarive financiare.
3. FSHF ka Komisionet e Përhershme të mëposhtme si trupa konsultues të FSHF nqs nuk është vendosur ndryshe nga këto Statute, Rregullave të Procedurave të Asamblesë së Përgjithshme ose nga termat e referencës. Këto terma reference përcaktojnë të drejtat dhe detyrat si dhe objektivat e çdo Komisioni. Këto terma reference aprovohen nga Komiteti Ekzekutiv i FSHF:
 - a. Komisioni i Verifikimit.
 - b. Komisioni i Financës.
 - c. Komisioni i Garave.
 - d. Komisioni i Arbitrave.
 - e. Komisioni i të Rinjve.
 - f. Komisioni i Teknikës dhe Shkencës.
 - g. Komisioni i Mjekësisë Sportive.
 - h. Komisioni i Infrastrukturës Sportive.
 - i. Komisioni i Statusit të Lojtarit.
 - j. Komisioni i Marrëdhënieve Ndërkombëtare

- k. Komisioni i Marrëdhënieve me Publikun dhe Medias.
4. Komitetit Ekzekutiv mund të krijojë komisione të përkohshme të posaçme për detyra specifike ose për një periudhë kohe të kufizuar. Të drejtat dhe detyrat janë përcaktuar në termat e referencës të miratuara nga Komiteti Ekzekutiv.

A. ASAMBLEJA E PËRGJITHSHME

Neni 20 **Përcaktimi, përbërja dhe Komisioni i Verifikimit**

1. Asambleja e Përgjithshme është takimi në të cilin të gjithë anëtarët e FSHF-së mblidhen së bashku një herë në vit, për të marrë vendime statutore. Ajo përfaqëson autoritetin më të lartë të FSHF.
2. FSHF mund të thërrasë një Asamble të Përgjithshme të zakonshme ose të jashtëzakonshme. Vetëm një mbledhje e thirrur sipas rregullave ka autoritetin për të marrë vendime.
3. Presidenti i Nderit dhe anëtarë nderi ftohen në Asamblenë e Përgjithshme me kapacitet konsultues sikurse edhe anëtarët e Komitetit Ekzekutiv dhe Sekretari i Përgjithshëm i FSHF.
4. Komiteti Ekzekutiv gjithashtu mund të ftojë persona të tjerë në Asamblenë e Përgjithshme. Ata nuk kanë të drejtë votimi dhe mund të konsultohen ose të mbajnë fjalim vetëm me lejen e Kryetarit të mbledhjes.
5. Asambleja e Përgjithshme e zakonshme dhe e jashtëzakonshme është e rregulluar nga Rregullat e Procedurave të Asamblesë së Përgjithshme të aprovuar nga Asambleja e Përgjithshme.
6. Komisioni i Verifikimit verifikon aprovon ose refuzon ato kandidatura që nuk janë në përputhje me këtë Statut dhe Rregulloren e Funkcionimit të Asamblesë së Përgjithshme.
7. Anëtarët e Komisionit të Verifikimit zgjidhen për një mandat 2 vjeçar. Në rast se një anëtar i këtij Komisioni dorëhiqet ose kandidon për një post të papajtueshëm me funksionin e tij aktual, ai zëvendësohet në mbledhjen e Asamblesë së Përgjithshme të rradhës.

Neni 21

Emërimi i delegatëve

1. Anëtarët emërojnë delegatët e tyre zyrtarë të autorizuar për t'i përfaqësuar ata, në përputhje me Statutet e tyre.
2. Delegatët zyrtarë duhet të jenë të pajisur me një prokurë të dhënë nga organi i tyre i autorizuar. Ata gjithashtu duhet të kenë evidencë për ta provuar këtë ashtu si kërkohet sikurse edhe provë për identitetin personal të tyre.
3. Anëtarët janë të detyruar të dërgojnë listën e emrave të delegatëve të tyre në Sekretariatit e Përgjithshëm të FSHF jo më vonë se 20 ditë para datës së zhvillimit të asamblesë.

Neni 22

Numri dhe përcaktimi i delegatëve

1. Çdo anëtar ka të drejtën e një vote dhe nuk mund të përfaqsojë më shumë se një anëtar. Përfaqësimi i anëtarit në mbledhjen e asamblesë bëhet nga delegatët. Rregullat e përfaqësimit të delegatit përcaktohen sipas dispozitave të Kodit Civil në fuqi dhe akteve të themelimit të subjektit anëtar.
2. Aktualisht FSHF ka 66 anëtarë. Lista e anëtarëve është miratuar nga Asambleja e Përgjithshme e FSHF. Ndryshimi i numrit të anëtarëve bëhet sipas rregullave të përcaktuara në statut.
3. Ngritja ose rënia nga një kategori e caktuar gare e një klubi futbollit anëtar i FSHF, nuk ka ndikim mbi të drejtat e anëtarësisë përveç atyre që kanë lidhje me Asamblenë e Përgjithshme të FSHF.

Neni 23

Fushat e autoritetit (kompetencat)

Asambleja e Përgjithshme ka fushat e autoritetit (kompetencat) të mëposhtme:

- a. Adopton ose ndryshon Statutet dhe Rregulloret e miratuara prej saj.

- b. Aprovon proces verbalin e Asamblesë së Përgjithshme të fundit.
- c. Aprovon llogaritë vjetore të FSHF dhe vendos në caktimin e fitimeve ose lëshon deklarata sesi duhen mbuluar humbjet që dalin nga llogaria e fitimeve dhe humbjeve.
- d. Aprovon raportin e aktiviteteve të Komitetit Ekzekutiv.
- e. Aprovon pasqyrën e llogarive vjetore
- f. Pranon raportin e auditorëve të pavarur;
- g. Voton për buxhetin e FSHF.
- h. Cakton auditorin e pavarur.
- i. Fikson kuotën e regjistrimit të anëtarësisë dhe pagesa të tjera për çdo kategori të anëtarëve;
- j. Zgjedh Presidentin dhe anëtarët e Komitetit Ekzekutiv çdo katër vjet;
- k. Zgjedh anëtarët e Komisionit të Verifikimit çdo dy vjet;
- l. Aprovon propozimet e Komitetit Ekzekutiv për të dhënë titullin e Presidentit të Nderit ose për Anëtar Nderi për individë, të cilët kanë dhënë një kontribut veçanërisht të vlefshëm në futboll brenda FSHF.
- m. Pranon, pezullon ose përjashton një anëtar.
- n. Liron nga funksioni një anëtar të një organi ekzekutiv të FSHF-së;
- o. Deklaron shpërbërjen e FSHF dhe vendos mbi përdorimin e aseteve të saj financiare.
- p. Aprovon ose ndryshon Rregullat e Procedurave të Asamblesë së Përgjithshme.

Neni 24

Asambleja e Përgjithshme e Zakonshme

1. Asambleja e Përgjithshme e Zakonshme thirret nga Komiteti Ekzekutiv një herë në vit, në gjashtëmujorin që vijon pas përfundimit të vitit financiar. Ftesa për mbledhjen e Asamblesë së Përgjithshme të Zakonshme duhet t'u dërgohet anëtarëve të paktën 30 ditë përpara ditës së zhvillimit të saj.
2. Komiteti Ekzekutiv cakton rendin e ditës së Asamblesë së Përgjithshme.

STATUTI I FEDERATES SHQIPTARE TE FUTBOLLIT

Rendi i ditës, raportet e aktiviteteve, llogaritë, buxheti dhe ndonjë dokument tjetër i rëndësishëm duhet t'i dërgohen anëtarëve të paktën dhjetë ditë para datës së mbledhjes.

3. Çdo anëtar ka të drejtë të propozojë përfshirjen në rend të ditës të një çështje. Një kërkesë e arsyetuar duhet të paraqitet në sekretariatit e FSHF 20 ditë para mbledhjes.

Neni 25

Rendi i ditës për Asamblenë e Përgjithëshme të Zakonshme.

1. Rendi i ditës për Asamblenë e Përgjithëshme të Zakonshme duhet të përfshijë të paktën çështjet e mëposhtme:
 - a. Përhëndetja nga Presidenti;
 - b. Verifikim i përbërjes së mbledhjes si dhe mbledhja në përputhje me rregullat dhe statutet e FSHF-së;
 - c. Caktimi i vëzhguesve;
 - d. Emërimi i delegatëve për të verifikuar procesverbalin
 - e. Aprovimi i procesverbalit të Asamblesë së Përgjithëshme të mëparshme, (nëse e aplikueshme).
 - f. Raporti i Presidentit.
 - g. Aprovimi i raportit të aktiviteteve të Komitetit Ekzekutiv.
 - h. Pezullimi ose përjashtimi anëtarëve (nëse është e aplikueshme).
 - i. Aprovimi i pasqyrës së llogarive për vitin financiar të mëparshëm.
 - j. Pranimi i raportit të auditorit të pavarur.
 - k. Aprovimi i buxhetit për vitin financiar pasardhës.
 - l. Zgjedhja e Presidentit (për një Asamble të Përgjithëshme zgjedhore).
 - m. Zgjedhja e anëtarëve të tjerë të Komitetit Ekzekutiv (për një Asamble të Përgjithëshme zgjedhore).
 - n. Zgjedhja e anëtarëve të Komisionit të Verifikimit (për një Asamble të Përgjithëshme zgjedhore)
 - o. Shqyrtimi i propozimeve për ndryshime në statutet e FSHF.
 - p. Shkarkimi i një anëtari të organit Ekzekutiv të FSHF (nëse është e aplikueshme)
 - q. Kërkesat nga anëtarët e Komitetit Ekzekutiv ose nga anëtarët e FSHF.

- r. Ndonjë çështje tjetër.
2. Pranimi i anëtarit duhet të përfshihet në rendin e ditës pas zhvillimit të gjithë diskutimeve. Në të kundërt, pezullimi apo përjashtimi i një anëtari bëhet përpara çdo lloj diskutimi.
3. Rendi i ditës mund të modifikohet vetëm nëse mbështetet nga 2/3 e delegatëve të pranishëm.

Neni 26

Asambleja e Përgjithshme e Jashtëzakonshme

1. Komiteti Ekzekutiv mund të thërrasë një Asamble të Përgjithshme të Jashtëzakonshme nëse e quan të nevojshme.
2. Asambleja e Përgjithshme e jashtëzakonshme mund të kërkohet me shkrim nga të paktën një e treta e anëtarëve të FSHF. Një kërkesë e tillë duhet të bëhet me shkrim duke parashtruar arsyet dhe duke përfshirë rendin e ditës që propozohet. Komiteti Ekzekutiv duhet ta thërrasë Asamblesë të Përgjithshme të Jashtëzakonshme brenda dy muajve që nga dita e marrjes së kërkesës. Nëse një mbledhje e tillë nuk thirret, anëtarët që e kërkuan mund ta adresojnë këtë çështje te FIFA dhe UEFA për ndjekje nga ana e tyre.
3. Lajmërimi për mbledhjen e Jashtëzakonshme të Asamblesë së Përgjithshme duhet t'u dërgohet delegateve të paktën 30 ditë para ditës së mbledhjes.
4. Rendi i ditës dhe çdo dokument tjetër i rëndësishëm duhet t'u dërgohet delegatëve të paktën 10 ditë para ditës së mbledhjes.
5. Kur Komiteti Ekzekutiv thërret mbledhjen e jashtëzakonshme të Asamblesë së Përgjithshme ai është përgjegjës për përgatitjen e rendit të ditës.
6. Rendi i ditës nuk mund të ndryshohet gjatë mbledhjes.

Neni 27

Numri i duhur i votave (Quorum)

1. Asambleja e Përgjithshme (e zakonshme ose e jashtëzakonshme) mund të marrë vendime të vlefshme vetëm kur shumica absolute [50 %+1]

STATUTI I FEDERATES SHQIPTARE TE FUTBOLLIT

e të gjithë anëtarëve të FSHF përfaqësohet nga delegatë të caktuar posaçërisht.

2. Nëse numri i duhur nuk arrihet, një Asamble e Përgjithshme e dytë duhet të mbahet 24 orë pas të parës me të njëjtin rend dite.
3. Nuk kërkohet shumicë për mbledhjen e dytë, përveç rasteve kur në rendin e ditës janë parashikuar :
 - a. Ndryshime të statuteve të FSHF;
 - b. Zgjedhja e presidentit të FSHF;
 - c. Zgjedhja e një anëtari të Komitetit Ekzekutiv të FSHF;
 - d. Pushimi i një ose më shumë anëtarëve të një organi të FSHF;
 - e. Përrjashtimi i një anëtari të FSHF ose
 - f. Shpërbërja e FSHF;
4. Për këto pika të përmendura më sipër, nevojitet shumica e përcaktuar në paragrafin 1.

Neni 28

Drejtimi i Asamblesë së Përgjithshme

1. Asambleja e Përgjithshme (e zakonshme ose e jashtëzakonshme) drejtohet nga Presidenti i FSHF-së, dhe zhvillohet me mbështetjen e Komisionit të Verifikimit në përputhje me Rregullat e Procedurave të Asamblesë së Përgjithshme.
2. Asambleja cakton të paktën tre vëzhgues (numërues votash) me propozimin e Kryetarit të mbledhjes.
3. Kryetari është përgjegjës për të siguruar që mbledhja ndjek rendin e ditës dhe respekton Rregullat e Procedurave të Asamblesë së Përgjithshme. Në këtë aspekt ai ka të drejtë të shkurtojë fjalimet nga delegatët ose të përjashtojë pjesëmarrës nga dhoma e mbledhjes.
4. Sekretari i Përgjithshëm cakton dikë të për të mbajtur procesverbalin e mbledhjes i cili sipas rregullit firmoset nga Kryetari dhe duhet t'u çohet delegatëve brenda 30 ditëve që nga dita e mbledhjes që ta rishikojnë dhe të komentojnë brenda 30 ditëve.

Neni 29 **Marrja e Vendimeve**

1. Anëtarët e FSHF ushtrojnë të drejtën e votimit të tyre nëpërmjet delegatëve të tyre zyrtare.
2. Nëse nuk është përcaktuar ndryshe në Statut, vendimet janë të vlefshme nëqoftëse mbështeten nga një shumicë e thjeshtë (dmth 50% plus një votë) e votave të vlefshme të delegatëve të pranishëm.
3. Vendimet që vijojnë kanë nevojë për mbështetjen e të paktën 2/3 të votave të vlefshme të delegatëve të pranishëm në Asamblenë e Përgjithshme:
 - a. Modifikimi i rendit të ditës të Asamblesë së Përgjithshme të zakonshme;
 - b. Ndryshime në Statutet e FSHF-së;
 - c. Pushimi i një anëtari të organit të FSHF-së;
 - d. Dhurimi i titullit President Nderi ose Anëtar të Nderit i FSHF-së;
 - e. Përrjashtimi i një anëtari të FSHF-së;
 - f. Shpërbërja e FSHF-së.
4. Votat e dëmtuara, votat e pambushura, ose ndonjë formë tjetër abstenimi nuk do të përfshihet në numërimin e votave.
5. Vendimet duhet të merren duke ngritur dorën, përveç rasteve kur 1/3 e delegateve që janë të pranishëm kërkon votim të fshehtë.
6. Votimi nga përfaqësues ose me autorizim nuk lejohet.
7. Vendimet e marra nga Asambleja hyjnë në fuqi një ditë pasi ato janë miratuar, me përjashtim të rasteve kur Asambleja vendos ndryshe.

Neni 30 **Zgjedhjet**

1. Zgjedhjet bëhen në mënyrë të fshehtë. Në qoftë se numri i kandidatëve është i barabartë me numrin vakant, zgjedhjet mund të bëhen duke ngritur dorën.
2. Asambleja e Përgjithshme zgjedh sipas radhës që vijon dhe me zgjedhje të lira:

STATUTI I FEDERATES SHQIPTARE TE FUTBOLLIT

- a. Presidentin e FSHF;
 - b. Anëtarët që mbeten të Komitetit Ekzekutiv;
 - c. Anëtarët e Komisionit Verifikues
3. Gjatë zgjedhjes së parë, Presidenti ka nevojë për 2/3 e votave të vlefshme me qëllim që të zgjidhet sipas rregullave. Në rastet kur asnjë nga kandidatët nuk arrin këtë shumicë, bëhet një round i dytë zgjedhjesh midis dy kandidatëve që kanë marrë më shumë vota në roundin e parë. Në roundin e dytë, kandidati që merr më shumë vota zgjidhet President. Në rastet e votave të barabarta, votimi do të përsëritet. Nëqoftëse edhe votimi i dytë përfundon me rezultat të barabartë, vendimi merret nëpërmjet hedhjes së shortit nga Sekretari i Përgjithshëm dhe monitoruar nga Komisioni i Verifikimit.
4. Zgjedhja e anëtarëve të mbetur të Komitetit Ekzekutiv dhe anëtarët e Komisionit të Verifikimit letra e zgjedhjeve konsiston në një list të të gjithë kandidatëve (në rend alfabetik). Kandidati zgjidhet në roundin e parë nëse mbështetet nga një shumicë absolute e votave të vlefshme (p.sh 50% + një votë). Në qoftë se nuk ka kandidatë të mjaftueshëm që arrijnë një shumicë absolute për të mbushur vendet bosh, organizohet raundi i dytë për të cilin një shumicë e thjeshtë (me të shumtat e votave) mjafton për një kandidat që të zgjidhet. Në rast barazimi bëhet raundi i tretë për të cilin mjafton një shumicë e thjeshtë. Në rastin e një barazimi të mëtejshëm, rezultati i zgjedhjeve përcaktohet nëpërmjet hedhjes së shortit nga Sekretari i Përgjithshëm.

B. KOMITETI EKZEKUTIV

Neni 31 **Përbërja**

1. Komiteti Ekzekutiv përbëhet nga 11 anëtarë:
 - a. Presidenti
 - b. Dy zv/presidentë
 - c. Tetë anëtarë të thjeshtë
2. Presidenti i zgjedhur i Shoqatës së Arbitrave të Futbollit Shqiptar është

- në të njëjtën kohë automatikisht dhe anëtarë i Komitetit Ekzekutiv të FSHF-së.
3. Një anëtar i FSHF-së mund të propozojë vetëm një kandidat për president ose një kandidat për vendet e mbetura në Komitetin Ekzekutiv.
 4. Kandidatët duhet të plotësojnë kërkesat e mëposhtme:
 - a. Të jetë shtetas shqiptar dhe të banojë në Shqipëri;
 - b. Të mos jetë i dënuar për krim të rëndë;
 - c. Të lëshojë një deklaratë me shkrim se ai jep dorëheqjen nga funksionet brenda anëtarësisë së FSHF nëse zgjidhet;
 - d. Të jetë nën moshën 70 vjeç në datën që mbahet Asambleja e Përgjithshme zgjedhore;
 - e. Kushte të tjera në lidhje me shkollimin apo kualifikimin e nevojshëm janë të përcaktuara në termat e referencës korresponduese të miratuara nga Komiteti Ekzekutiv.
 5. Anëtarët e pezulluar nuk mund të propozojnë ndonjë kandidat për zgjedhje.
 6. Anëtarët duhet të dërgojnë emrat e kandidatëve bashkë me kurrikulumin e tyre në Sekretariatën e Përgjithshme të FSHF-së i cili i dërgon ato tek Komisioni i Verifikimit për vlerësim dhe aprovim. Lista e kandidatëve të aprovuar duhet t'u dërgohet kandidatëve bashkë me rendin e ditës së Asamblesë.
 7. Në mbledhjen e tyre të parë, anëtarët e zgjedhur të Komitetit Ekzekutiv zgjedhin midis tyre zevendës presidentin e parë dhe të dytë. Presidenti mund të shprehë propozimet e tij.
 8. Një anëtar i Komitetit Ekzekutiv nuk mund të jetë njëkohësisht edhe anëtar i një organi juridik të FSHF.

Neni 32

Kohëzgjatja e mandateve

1. Anëtarët e Komitetit Ekzekutiv (përfshirë dhe presidentin) shërbejnë një mandat katër vjeçar dhe ata mund të rizgjidhen.
2. Në qoftë se një nga vendet e tyre mbetet bosh, Komiteti Ekzekutiv duhet

STATUTI I FEDERATES SHQIPTARE TE FUTBOLLIT

ta plotësojë atë brenda 30 ditësh, për periudhën që mbetet deri në mbledhjen e radhës të Asamblesë së Përgjithshme të zakonshme ku zgjidhet një zëvendësues për kohën e mbetur të mandatit.

3. Anëtarët e FSHF mund të propozojnë kandidatë për mbledhjen e Asamblesë së Përgjithshme të zakonshme të radhës në përputhje me Nenin 28. Zëvendësuesit emëruar nga Komiteti Ekzekutiv janë automatikisht kandidatë për këto zgjedhje.

Neni 33 **Mbledhjet**

1. Komiteti Ekzekutiv mblidhet sipas kërkesave, por të paktën gjashtë herë në vit.
2. Mbledhjet drejtohen nga Presidenti.
3. Presidenti thërret mbledhjen të paktën dhjetë ditë përpara zhvillimit të mbledhjes.
4. Me kërkesën e të paktën katër anëtarëve të K.E, Presidenti duhet të thërrasë mbledhjen brenda tre javëve pas marrjes së kërkesës dhe nëse Presidenti nuk e thërret mbledhjen, atëherë një nga anëtarët që ka kërkuar takimin ka të drejtë ta bëjë këtë vetë.
5. Anëtarët duhet të propozojnë tema për rendin e ditës të mbledhjes tek Sekretari i Përgjithshëm të paktën tetë ditë përpara takimit. Rendi i ditës përfundimtar dhe dokumentet përkatëse duhet të dërgohen tek anëtarët e Komitetit Ekzekutiv të paktën pesë ditë para mbledhjes.
6. Sekretari i Përgjithshëm merr pjesë në takimet e Komitetit Ekzekutiv vetëm si konsultues.
7. Mbledhjet e Komitetit Ekzekutiv nuk mbahen në publik. Megjithatë Komiteti Ekzekutiv mund të ftojë palë të treta të marrin pjesë. Këto palë të treta nuk kanë të drejtë votimi dhe mund të shprehin opinionin e tyre vetëm me lejen e Presidentit të FSHF.

Neni 34

Kompetencat

1. Komiteti Ekzekutiv ka autoritet në fushat e veçanta të mëposhtme:
 - a. Menaxhon dhe drejton punët e FSHF-së në përputhje me këto Statute dhe siguron zbatimin e Statuteve të FSHF-së. Mundet të aprovoj dispozitat ekzekutive të nevojshme për aplikimet e tyre.
 - b. Me propozim të Presidentit, të emërojë dhe shkarkojë Sekretarin e Përgjithshëm.
 - c. Me propozim të Sekretarit të Përgjithshëm të emërojë apo ta shkarkojë shefat e sektorëve të Sekretariatit të Përgjithshëm të FSHF.
 - d. Me propozim të Sekretarit të Përgjithshëm të përmirësojë rregulloren e brendshme organizative të Sekretariatit të Përgjithshëm të FSHF-së.
 - e. Të zgjedhë midis anëtarëve të tij zëvendës Presidentin e parë dhe të dytë.
 - f. Të emërojë, pezullojë ose pushojë anëtarë të organeve gjyqësore të FSHF-së.
 - g. Të përgatisë dhe të mbajë Asamblenë e Përgjithshme të zakonshme dhe të jashtëzakonshme.
 - h. Të rishikojë pasqyrën e llogarive dhe të hartojë buxhetet.
 - i. Të aprovojë kontratat me shkrim për secilin trainer dhe anëtar të stafit teknik të ekipeve kombëtare të ndryshme.
 - j. Të hartojë raportin për aktivitetet.
 - k. Të pezullojë me efekt të menjëhershëm një anëtar të Komitetit Ekzekutiv ose të një organi juridik në rastet kur shkel hapur ose në mënyrë të përsëritur ndonjë nga dispozitat e kuadrit ligjor të FSHF, apo për arsye të tjera të rëndësishme që dëmtojnë imazhin dhe reputacionin e FSHF-së. (p.sh kryerja e një vepre penale, etj)
 - l. Të emërojë, të pezullojë ose të shkarkojë anëtarët e Komiteteve të përhershëm ose të përkohshme.
 - m. Të përgatisë rregulloret që do të adoptohen ose ndryshohen nga Asambleja e Përgjithshme.
 - n. Të miratojë, ose ndryshojë rregulloren e FSHF që është nën kompetencat e saj si dhe termat e referencës të organeve dhe Komisioneve të FSHF-së.

STATUTI I FEDERATES SHQIPTARE TE FUTBOLLIT

- o. Të lejojë fonde për shpenzime të paparashikuara në buxhet që nuk e kalon masën e 10% të buxhetit vjetor të FSHF-së që është aprovuar në mbledhjen më të fundit të Asamblesë së Përgjithshme.
 - p. Të krijojë, organizojë dhe të anultojë garat zyrtare në nivel kombëtar si dhe të hartojë rregulloret e duhura për gara.
 - q. Të ushtrojë të drejtën për të propozuar përfaqësuesit e FSHF për zgjedhje në organe të ndryshme kombëtare dhe ndërkombëtare.
 - r. Të propozojë kandidatë të përshtatshëm për titullin President Nderi ose Anëtar Nderi i FSHF.
 - s. Të aprovojë statutet dhe rregulloret e ligës si dhe ndryshimet përkatëse.
2. Gjithashtu Komiteti Ekzekutiv ushtron ato autoritete të cilat nuk i janë caktuar ndonjë organi tjetër të FSHF.
 3. Me miratimin e tij, Komiteti Ekzekutiv mund t'i delegojë detyrat e tij që janë jashtë fushës së vet të kompetencave me shkrim dhe të kërkojë shërbimet e këshilltarëve ose ti japë mandate palëve të treta.

Neni 35 **Vendim-marrjet**

1. Komiteti Ekzekutiv ka nevojë për një numër të caktuar prej të paktën gjashtë anëtarësh në mënyrë që të marrë vendime të vlefshme.
2. Vendimi merret në qoftë se mbështetet të paktën nga shumicë absolute (50%+1 votë) të anëtarëve të pranishëm. Në rastin e votave të barabarta, Presidenti ka votë vendimtare. Anëtarët që mungojnë nuk mund të votojnë. Votimi në emër të anëtarit që mungon është i ndaluar.
3. Çdo anëtar i Komitetit Ekzekutiv duhet të abstenojë automatikisht nga diskutimi dhe votimi nëse ka rrezik ose mundësi për konflikt interesash.
4. Vendimet e marra regjistrohen në procesverbal.
5. Vendimet e marra nga Komiteti Ekzekutiv hyjnë në fuqi menjëherë, përveç rasteve kur Komiteti Ekzekutiv vendos ndryshe.
6. Për çështje që kërkojnë zgjidhje të menjëhershme midis dy mbledhjeve të Komitetit Ekzekutiv, Presidenti me dy zëvendës presidentet marrin një vendim, i cili duhet të ratifikohet në mbledhjen e radhës të Komitetit Ekzekutiv.

Neni 36

Presidenti

1. Presidenti është përfaqësuesi ligjor i FSHF-së.
2. Detyrat e Presidentit janë si më poshtë:
 - a. Mbledh Asamblenë e Përgjithëshme dhe mbledhjet e Komitetit Ekzekutiv;
 - b. Drejton Asamblenë e Përgjithshme dhe mbledhjet e Komitetit Ekzekutiv;
 - c. Mbikqyr zbatimin e vendimeve të miratuara nga Asambleja e Përgjithshme dhe Komiteti Ekzekutiv;
 - d. Siguron funksionimin e rregullt dhe efektiv të organeve dhe trupave të FSHF, në mënyrë që të arrihen objektivat e përcaktuara nga këto Statute dhe/ose të fiksuara nga Komiteti Ekzekutiv;
 - e. Mban lidhjet midis FSHF-së dhe anëtarëve të saj, FIFA dhe UEFA, me organizmat politike dhe organizata të tjera;
 - f. Mbikqyr funksionimin e Sekretariatit të Përgjithshëm.
 - g. Të emërojë trajnerët dhe stafet teknike të ekipeve kombëtare pasi është konsultuar me anëtarët e Komitetit Ekzekutiv.
3. Në rast kur Presidenti mungon, detyrat e tij plotësohen nga Zëvendës-Presidenti i Parë. Në rast se edhe ky i fundit mungon, atëherë përgjegjësinë e merr Zëvendës-Presidenti i Dytë.
4. Në rastet kur Presidenti jep dorëheqjen gjatë mandatit të tij, Komiteti Ekzekutiv zgjedh një nga anëtarët e tij të kryejë funksionin e Presidentit të përkohshëm. Komiteti Ekzekutiv mund të thërrasë Asamblenë e Përgjithshme të jashtëzakonshme për të zgjedhur një President të ri për kohën e mbetur nga mandati. Nëse Asambleja e Përgjithshme e radhës mbahet brenda gjashtë muajve atëherë nuk mblidhet Asambleja e Përgjithshme e jashtëzakonshme dhe Zëvendës-Presidenti i Parë merr funksionet e Presidentit.

Neni 37

E drejta e firmosjes

Presidenti dhe Sekretari i Përgjithshëm ose njeri nga zëvendës presidentët dhe Sekretari i Përgjithshëm mund të firmosin së bashku në emër të FSHF-

së përveç rasteve kur është vendosur ndryshe në rregulloret e brendshme organizative të Sekretariatit të Përgjithshëm të FSHF.

C. ORGANET E KONTROLLIT FINANCIAR

Neni 38 **Kontrollues të pavarur**

1. Audituesi i pavarur i FSHF-së auditon pasqyrën e llogarive të rishikuara nga Komisioni i Financës dhe Komiteti Ekzekutiv i FSHF-së në përputhje me parimet e kontabilitetit dhe legjislacionit kombëtar.
2. Raporti i auditimit i kalohet Komitetit Ekzekutiv dhe pa ndryshime duhet t'i kalojë edhe Asamblesë së Përgjithshme për miratim.
3. Audituesi i pavarur duhet të jetë një kompani e njohur dhe me reputacion. Ai emërohet me mandat vjetor të rinovueshëm nga Asambleja e Përgjithëshme e FSHF-së me propozim të Komitetit Ekzekutiv të FSHF-së.

D. ORGANET GJYKUESE

Neni 39 **Dispozita të përgjithshme**

1. Organet gjyqese juridike përbëhen nga trupa disiplinore dhe trupa për licensimin e klubeve.
2. Organet gjyqese të FSHF janë:
 - a. Komisioni i Disiplinës;
 - b. Komisioni i Apelit;
 - c. Dhoma e Zgjidhjes së Konfliktëve
 - d. Komisioni i Etikës
 - e. Inspektorët e Disiplinës.
3. Kompetencat dhe funksionimi i trupave gjyqese janë të përcaktuara

respektivisht në Kodin e Disiplinës, Rregulloren e Dhomës Kombëtare të Zgjidhjes së Konfliktëve dhe Kodin e Etikës së FSHF të cilat miratohen nga Asambleja e Përgjithshme.

4. Organet e licensimit të Klubeve të FSHFs janë:
 - a. Komisioni i Licensimit të Klubeve
 - b. Komisioni i Apelit për Licensimin e Klubeve
5. Përgjegjësitë e tyre dhe funksionet e trupave për licensimin e klubeve janë përcaktuar në Rregulloret e Licensimit të Klubeve si dhe në termat korresponduese të referencës të dyja të aprovuara nga Komiteti Ekzekutiv i FSHF.
6. Të gjithë anëtarët e këtyre organeve gjyqësore juridike, përveç Komisionit të Etikës, emërohen nga Komiteti Ekzekutiv i FSHF për një mandat katër vjeçar dhe duhet të pajtohen me kërkesat e rregulloreve përkatëse. Ata duhet automatikisht të abstenojnë nga emërimi nëse do të ketë një konflikt interesi. Në rast mosmarrëveshjes për këtë konflikt interesi, vendimin përfundimtar e merr Presidenti i Komisionit përkatës.
7. Organet Juridike mund të japin sanksione siç janë të përcaktuara në rregulloret e aplikueshme. (Rregulloret e Disiplinës ose Rregulloret e Licensimit të klubeve)
8. Këto masa në lidhje me pezullimin dhe përjashtimin e anëtarëve janë subjekt i pushtetit disiplinor të Asamblesë së Përgjithshme dhe KE të FSHF-së.

Neni 40

Pavarësia dhe Abstenimi

1. Organet gjyqësore janë të pavarura. Asnjë anëtar nuk mund të jetë në të njëjtën kohë anëtar i ndonjë organi tjetër të FSHF.
2. Anëtarët e tyre kufizohen nga Statutet dhe Rregulloret e FSHF si dhe nga legjislacioni kombëtar në fuqi.
3. Një anëtar i organit gjyqësor duhet të abstenojë automatikisht në rastet kur ekziston ose mund të ndodhë një konflikt interesi. Në rast dyshimi, Kryetari i Organit merr vendimin përfundimtar.

Neni 41

Komisioni i Disiplinës

1. Komisioni i Disiplinës shqyrton dhe ndëshkon çdo shkelje të statuteve, rregulloreve, direktivave dhe vendimeve të FSHF, si dhe çdo shkelje të Ligjeve të Lojës dhe sjelljet antisportive të cilat nuk janë nën juridiksionin e ndonjë organi tjetër të FSHF.
2. Komisioni i Disiplinës përbëhet nga një President, një Zv/President dhe 8 anëtarë. Presidenti, Zv/Presidenti dhe të paktën 5 nga anëtarët duhet të jenë juristë me përvojë me formim juridik.
3. Çdo çështje shqyrtohet nga një trup gjykues i përbërë nga tre anëtarë, nga të cilët dy duhet të jenë juristë dhe që janë emëruar sipas rregullave nga Presidenti i Komisionit të Disiplinës. Kryetari i çdo trupi gjykues që shqyrton një çështje të vetme emërohet nga Presidenti i Komisionit të Disiplinës dhe në çdo rast duhet të jetë jurist. Në rastet kur Presidenti është anëtar i trupit gjykues ai ushtron kompetencat e kryetarit të trupit gjykues.
4. Në mungesë të Presidentit të Komisionit të Disiplinës, ose në rastet e ndonjë konflikti të mundshëm interesi të tij, ai abstenon dhe zëvendësohet nga Zv/Presidenti Komisionit të Disiplinës, i cili vendos përfundimisht nëse Presidenti ka një konflikt interesi.

Neni 42

Komisioni i Apelit

1. Komisioni i Apelit shqyrton apelimet e depozituara kundër vendimeve të marra nga Komisioni i Disiplinës.
2. Komisioni i Apelit përbëhet nga një President, një Zv/President dhe 4 anëtarë. Presidenti, Zv/Presidenti dhe të gjithë anëtarët duhet të jenë juristë me përvojë me formim juridik.
3. Çdo trup gjykues duhet të jetë i përbërë nga tre anëtarë. Kryetari i çdo trupi gjykues emërohet nga Presidenti i Komisionit të Apelit dhe në çdo rast duhet të jetë jurist me përvojë. Në rastet kur Presidenti është anëtar

i trupit gjykues ai ushtron kompetencat e kryetarit të trupit gjykues.

4. Në mungesë të Presidentit të Komisionit të Apelit, ose në rastet e ndonjë konflikti të mundshëm interesi të tij, ai abstenon dhe zëvendësohet nga Zv/Presidenti Komisionit të Apelit, i cili vendos përfundimisht nëse Presidenti ka një konflikt interesi.

Neni 42/1

Dhoma e Zgjidhjes së Konflikteve

1. Dhoma e Zgjidhjes së Konflikteve është përgjegjëse për trajtimin e konflikteve midis klubeve dhe lojtarëve në lidhje me çështjet e punësimit dhe qëndrueshmërinë kontraktuale si dhe përsa i përket shpërblimit të trajningut (formimit) të lojtarëve dhe kontributeve solidarë ndërmjet klubeve anëtarë të FSHF-së.
2. Dhoma e zgjidhjes së Konflikteve përbëhet nga një President, dy Zv/Presidente dhe 10 anëtarë të cilët duhet të jenë juristë me përvojë me formim juridik. Pesë nga anëtarët emërohen nga përfaqësuesit e klubeve dhe pesë të tjerët nga përfaqësuesit e lojtarëve/trajnerëve. Presidenti dhe Zv/Presidentet zgjidhen nga përfaqësuesit e klubeve dhe lojtarëve, bazuar në pesë kandidaturat e propozuara nga Komiteti Ekzekutiv i FSHF-së.
3. Kryetari i çdo trupi gjykues emërohet nga Presidenti i Dhomës së Zgjidhjes së Konflikteve dhe në çdo rast duhet të jetë gjykatës me përvojë. Në rastet kur Presidenti është anëtar i trupit gjykues, ai ushtron kompetencat e kryetarit.
4. Rregullat dhe modalitetet e funksionimit të Dhomës së Zgjidhjes së Konflikteve përcaktohen në Rregulloren e Dhomës së Zgjidhjes së Konflikteve që miratohet nga Komiteti Ekzekutiv i FSHF.
5. Në mungesë të Presidentit, ose në rastin e një konflikti interesi, ai zëvendësohet nga Zv/Presidenti i Dhomës së Zgjidhjes së Konflikteve që ka më shumë vite pune, i cili vendos përfundimisht për konfliktin e interesit të Presidentit. Nëse i njëjti rast ndodh për Zv/Presidentin që ka më shumë vite pune, atëherë Zv/Presidenti tjetër ushtron përkatësisht kompetencat e Presidentit.
6. Vendimet e marra nga Dhoma e Zgjidhjes së Konflikteve, mund të jenë

STATUTI I FEDERATES SHQIPTARE TE FUTBOLLIT

subjekt i ankimimit përpara një organi arbitrazhi të njohur nga FIFA, i cili duhet të jetë subjekt i një marrëveshje ndërmjet FSHF dhe FIFPro.

7. Afati limit i ankimimit prej 21 ditësh duhet të fillojë në ditën kur është njoftuar zyrtarisht vendimi i Dhomës së Zgjidhjes së Konfliktëve.

Neni 42/2 **Komisioni i Etikës**

1. Komisioni i Etikës ka për objekt shqyrtimin e rregullave të etikës, të sjelljes si dhe çështjeve që kanë të bëjnë me paracaktimin e rezultateve të ndeshjeve nga të gjithë zyrtarët. Zyrtarë në këtë kuptim do të jenë të gjithë anëtarët e organeve drejtuese të klubeve, arbitrat dhe asistentët, lojtarët dhe trajnerët, ndihmësit dhe çdo person tjetër përgjegjës për çështjet teknike, mjekësore dhe administrative të FSHF dhe klubeve pjesëmarrëse në veprimtaritë e organizuara prej saj.
2. Komisioni i Etikës përbëhet nga një Kryetar, një zëvendëskryetar dhe 3 anëtarë që emërohen nga Asambleja e Përgjithshme.
3. Komisioni i Etikës mund të shpallë secilën prej masave disiplinore të përcaktuara në Statutin dhe Kodin e Disiplinës së FSHF me kushtin që të jenë të lidhura me objektin e veprimtarisë së këtij komisioni
4. Të gjitha rregullat organizative dhe procedurale të Kodit të Disiplinës së FSHF aplikohen direkt në kontekstin e të gjitha procedimeve të kryera nga Komisioni i Etikës, me përjashtim të rasteve kur Kodi i Etikës përmban rregulla të kundërta ose kur dispozitat e Kodit të Disiplinës së FSHF dukshëm nuk mund të aplikohen në respektim të objektivave dhe përmbajtjes së Kodit të Etikës.
5. Rregullat dhe modalitetet e funksionimit të Komisionit të Etikës përcaktohen në Kodin e Etikës që miratohet nga Asambleja e Përgjithshme.

Neni 43 **Inspektorët e Disiplinës**

1. Inspektorët e Disiplinës kanë për detyrë të kryejnë hetimet e nevojshme mbi çështjet që i ngarkohen nga çdo organ statutor i FSHF-së.

2. Inspektorët e Disiplinës emërohen me vendim të Asamblesë së Përgjithshme të FSHF.
3. Presidenti i Komisionit të Disiplinës emëron një Inspektor Disipline për çdo çështje që përpunon dhe më pas dorëzon një raport tek Komisioni i Disiplinës, i cili merr vendimet përkatëse.
4. Inspektorët e Disiplinës janë juristë të kualifikuar dhe funksionet e tyre janë të përcaktuara në Kodin e Drejtësisë Sportive të FSHF-së.
5. Secili nga Inspektorët e Disiplinës duhet të përgatisë një raport vjetor mbi veprimtarinë e tij, i cili do të miratohet përpara Asamblesë së Përgjithshme.

Neni 44

Lista e masave disiplinore

1. Organet disiplinore mund të vendosin masat disiplinore sikurse vijojnë më poshtë të cilat edhe mund të kombinohen:
2. Në lidhje me personat individuale dhe ligjore :
 - a. paralajmërim
 - b. qortim (vërejtje e rëndë)
 - c. gjobë
 - d. heqja e një titulli ose çmimi
3. Në lidhje me individët:
 - a. Një pezullim për numër të caktuar ndeshjesh ose për një periudhë të caktuar ose të pacaktuar
 - b. Pezullim nga kryerja e një funksioni për numër të caktuar ndeshjesh ose për një periudhë të caktuar ose të pacaktuar
 - c. Një ndalim hyrje në dhomat e xhveshjes dhe/ose në stolin e rezervave
 - d. Një ndalim për të hyrë në stadium;
 - e. Një ndalim për të marrë pjesë në çfarëdo lloj aktiviteti futbollit.
4. Në lidhje me persona ligjore
 - a. Anullimin e rezultatit të një ndeshje;
 - b. Urdhër që një ndeshje duhet luajtur me dyer të mbyllura;
 - c. Luan ndeshjen në një territor neutral;

- d. Një ndalim për të luajtur në një stadium të veçantë;
- e. Ndalim transferimi;
- f. Dhënia e një ndeshjeje për mosplotësim të detyrimeve;
- g. Uljen e pikëve;
- h. Zbritje në një kategori më të ulët.
- i. Heqja e licencës

E. SEKRETARIATI I PËRGJITHSHËM

Neni 45 **Detyrat**

1. Sekretariati i Përgjithshëm është organi administrativ i përhershëm i FSHF.
2. Detyrat e tij të veçanta janë:
 - a. Të verë në zbatim vendimet e organeve të FSHF dhe gjithashtu edhe vendimet e Komisioneve të Përhershëm në qofte se specifikohet në termat korresponduese të referencës.
 - b. Të drejtojë çështjet administrative të FSHF dhe të mbështesë anëtarët e tij në këtë aspekt.
 - c. Të drejtojë çështjet administrativisht për garat kryesore të FSHF.
 - d. Të bëjë përgatitjet për Asamblenë e Përgjithshme dhe për mbledhjet e organeve të tjera dhe Komiteteve.
 - e. Të mbajë protokollin e Asamblesë së Përgjithshme dhe mbledhjet e Komitetit Ekzekutiv.
 - f. Të kujdeset për korrespondencën e FSHF.
 - g. Të rinovojë listën e anëtarëve të FSHF dhe të zyrtarëve të tyre.
 - h. Të mbajë librat e llogarisë së FSHF.
3. Sekretariati i Përgjithshëm nxjerr publikimin zyrtar të FSHF, gazetën e FSHF si dhe faqen e saj të internetit.

Neni 46 **Sekretari i Përgjithshëm**

1. Sekretari i Përgjithshëm është drejtues me përgjegjësi të plotë për Sekretariatit e Përgjithshëm.
2. Ai emërohet nga Komiteti Ekzekutiv në bazën e një kontrate punësimi dhe në përputhje me profilin dhe kërkesat të rëna dakort nga Komiteti Ekzekutiv. Komiteti Ekzekutiv gjithashtu shkarkon Sekretarin e Përgjithshëm.
3. Ai është përgjegjës për mbarëvajtjen e funksionimit e Sekretariatit të Përgjithshëm në përputhje me rregulloret e brendshme të organizatës.
4. Ai punëson dhe pushon nga detyra anëtarët e stafit të sekretariatit dhe propozon për emërimin dhe shkarkimin e shefave të sektorëve të Sekretariatit të Përgjithshëm të FSHF-së.
5. Ai merr pjesë në Asamblenë e Përgjithshme, takimet e Komitetit Ekzekutiv dhe Komiteteve të qëndrueshme dhe të posaçme si konsultues.
6. Në mungesën e tij, ai cakton një zëvendësues nga Sekretariati i Përgjithshëm.

VI. FINANCA

Neni 47 **Periudha financiare**

Viti financiar i FSHF-së fillon më 1 Janar dhe mbaron më 31 Dhjetor të çdo viti.

Neni 48 **Të ardhurat**

Të ardhurat e FSHF sigurohen veçanërisht nga:

- a. regjistrimet vjetore të anëtarëve dhe kuotat;
- b. të ardhurat e krijuara nga marketingu i të drejtave që gëzon FSHF;

- c. gjobat e vëna nga organet e autorizuar të FSHF.
- d. sponsorizimet, donacionet, kontribute, financimet nga shteti dhe
- e. burime të tjera të ligjëshme.

Neni 49 **Shpenzimet**

FSHF ka:

- a. Shpenzimet sipas buxhetit të aprovuar në Asamblenë e Përgjithëshme.
- b. Shpenzime të tjera që janë aprovuar nga Asambleja e Përgjithshme dhe ato që Komiteti Ekzekutiv ka të drejtë të shpenzojë brenda kompetencave të tij.
- c. Shpenzime të tjera për t'ju përmbajtur objektivave që ka FSHF.

Neni 50 **Parimet e llogarisë**

- 1. Llogaritë duhet të mbahen në përputhje me ligjet e kontabilitetit dhe Legjislacionin Shqiptar.
- 2. Të ardhurat dhe shpenzimet e FSHF-së duhet të menaxhohen në mënyrë të tillë që ato të jenë të balancuara gjatë vitit financiar. Detyrat kryesore të FSHF në të ardhmen duhet të jenë të siguruara me krijimin e rezervave buxhetore.
- 3. Sekretari i Përgjithshëm është përgjegjës për përpilimin e llogarive të konsoliduara vjetore të FSHF me shtesat e saj deri më 31 Dhjetor.

VII. GARAT DHE TE DREJTAT NE GARA DHE EVENIMENTE

Neni 51 **Organizimi i ndeshjeve**

1. FSHF zhvillon veprimtarinë futbollistike në Republikën e Shqipërisë nëpërmjet organizimit të garave me shtrirje kombetare, rajonale apo lokale. Struktura e garave ndërtohet gjithashtu në përputhje me cilësinë sportive, gjininë, moshën, llojin e futbollit dhe marrëdhënien profesionale.
2. Gara me shtrirje kombëtare janë:
 - i. Kampionati Kombëtar i Kategorisë Superiore
 - ii. Kupa e Shqipërisë
 - iii. Superkupa e Shqipërisë
 - iv. Kampionati Kombëtar i Kategorisë së Parë
 - v. Kampionati Kombëtar i Kategorisë së Dytë
 - vi. Kampionati Kombëtar i kategorisë së Tretë
 - vii. Kampionati Kombëtar U-19 Superiore
 - viii. Kampionati Kombëtar U-19 Kategoria e Parë
 - ix. Kampionati Kombëtar U-17 Superiore
 - x. Kampionati Kombëtar U-17 Kategoria e Parë
 - xi. Kampionati Kombëtar i Femrave
 - xii. Kupa e Shqipërisë për Femra
 - xiii. Kampionati Kombëtar i Futsal
 - xiv. Kupa e Shqipërisë për Futsal
 - xv. Kampionati Kombëtar i Futbollit të Rërës
3. Gara me shtrirje rajonale janë kampionatet rajonale për të rinj U-19, U-17, U-14, U-10 dhe U-8.
4. Gara me shtrirje lokale janë:
 - a. Kampionatet e shkollave 9-vjeçare, të mesme dhe universiteteve për futbollin 11x11
 - b. Kampionatët e shkollave të mesme për futsal
5. Komiteti Ekzekutiv i FSHF mund të shtojë edhe gara që nuk përfshihen në garat e përmendura në pikat 2, 3 dhe 4 me sipër, si dhe mund të vendosë pezullimin e përkohshëm të një apo më shumë garave nga ato.

STATUTI I FEDERATES SHQIPTARE TE FUTBOLLIT

6. Komiteti Ekzekutiv i FSHF miraton rregulloret dhe datat e fillimit dhe mbarimit të garave.
7. Çdo subjekt i interesuar të organizojë një apo më shumë ndeshje jashtë kalendarit të garave të miratuar nga FSHF apo veprimtari të veçanta futbolli në Shqipëri duhet më parë të marrë leje nga FSHF për këtë qëllim.
8. Komiteti Ekzekutiv i FSHF ka kompetencën t'i delegojë dhe t'i heqë një ligë apo subjekt të caktuar të drejtën e organizimit të një apo më shumë garave futbolli. Në këtë rast liga apo subjekt duhet të përmbushin të gjitha kushtet që parashtron kuadri ligjor i FSHF, FIFA dhe UEFA për këtë qëllim. Ndeshjet miqësore midis klubeve të anëtarëve të ndryshëm të FSHF në territorin e Shoqatës kombëtare kanë nevojë të miratohen nga FSHF sikurse edhe ndeshjet me klubet e huaja në territorin e FSHF.
9. Ndeshjet ndërkombëtare jashtë Shqipërisë janë subjekt i aprovimit nga federata kombëtare përkatëse dhe/ose organet drejtuese ndërkombëtare të FIFA dhe UEFA.
10. FSHF dhe anëtarët e saj nuk duhet të luajnë ndeshje ose të realizojnë takime sportive me shoqatat që nuk janë anëtarë të FIFA-s ose UEFA-s apo me anëtarë provizore të UEFA-s pa miratimin më parë nga FIFA.

Neni 52

Pjesëmarrja e klubeve në gara

1. Në garat e organizuara nga FSHF mund të marrin pjesë vetëm ekipe përfaqësues të klubeve anëtarë të FSHF ose të subjekteve që janë anëtarë të një anëtari të FSHF.
2. Pjesëmarrja e një ekipi në një garë të organizuar nga FSHF bëhet vetëm pasi klubi ose subjekt që ai përfaqëson të jetë pajisur me licensën përkatëse lëshuar nga Komisioni i Licensimit në përputhje me rregulloret përkatëse.
3. Përzgjedhja e klubeve Shqiptare në veprimtaritë e organizuara nga UEFA bëhet në bazë të rezultateve sportive të tij dhe është subjekt i plotësimit të kërkesave që vendos UEFA për pjesëmarrje në ato veprimtari.

Neni 53

Integriteti sportiv i kompeticioneve kombëtare, ngjitja dhe rënia nga kategoria, si dhe bashkëpronësia.

1. Një klub anëtar i FSHF-së mund të marrë pjesë në kampionatin kombëtar bazuar në meritat e tij sportive. Një klub i tillë duhet të kualifikohet për kampionatin kombëtar duke qëndruar në një kategori të caktuar ose duke u ngjitur ose rënë në një kategori tjetër në fund të sezonit.
2. Përveçse kualifikimit në bazë të meritave, pjesëmarrja e një klubi anëtar i FSHF-së në kampionatin kombëtar është subjekt i kritereve të tjera brenda rregullores së licensimit apo ndonjë masë tjetër të parashikuar nga FIFA, UEFA, apo FSHF-ja.
3. Ndryshimi i formës ligjore ose strukturës së kompanisë për të lehtësuar kualifikimin për meritat sportive dhe marrjen e licensës për kampionatin kombëtar, në dëm të integritetit të kompeticioneve sportive, është e ndaluar. Kjo përfshin p.sh. ndryshimi i zyrave, ndryshimi i emrit ose transferimi i aksioneve ndërmjet klubeve.
4. Komiteti Ekzekutiv i FSHF-së adapton rregullat në mënyrë që të promovojë principet e ngjitjes dhe rënies nga kategoria dhe për të ndaluar shoqëritë komerciale, personat privat, dhe çdo entitet tjetër ligjor që të ketë kontroll mbi më shumë se një anëtar të FSHF-së gjithashtu dhe të adaptojë masa të nevojshme për integritetin dhe mbrojtjen e kompeticioneve të FSHF-së.

Neni 54

Lojtarët, trajnerët, doktorët, fizioterapistët, arbitrat, delegatët e ndeshjeve, agjentë ndeshjes së FIFA dhe UEFA, agjent lojtarësh dhe zyrtarë klubesh.

1. Lojtarët, trajnerët, doktorët, fizioterapistët, arbitrat, delegatët e ndeshjeve, agjentë ndeshjes së FIFA dhe UEFA, agjent lojtarësh dhe zyrtarë klubesh, të cilët përmbushin një nga kushtet e mëposhtme duhet të regjistrohen në FSHF:

STATUTI I FEDERATES SHQIPTARE TE FUTBOLLIT

- a. ka residencë në territorin e Shqipërisë
 - b. ka një marrëveshje kontraktuale me një nga klubet anëtare të FSHF-së
 - c. kryen detyra në lidhje me ndeshje futbollit në territorin e Shqipërisë
2. Komiteti Ekzekutiv i FSHF-së adapton Rregulloret përkatëse që drejtojnë Statusin dhe Transferimin e lojtarëve si dhe regjistrimin e njerëzve të përfshirë në futboll, të cilat përcaktojnë kërkesat dhe procedurat për regjistrimin.
 3. Rregullat e FSHF-së duhet të përputhen me rregullat e FIFA-s në lidhje me statusin dhe transferimin e lojtarëve.

Neni 55

Të drejtat (duke përfshirë të drejtat e medias, etj)

1. FSHF dhe anëtarët e tij janë pronarët origjinale të të gjitha të drejtave që dalin nga garat dhe ngjarje të tjera që vijnë nga juridiksioni respektiv i tyre. Këto të drejta përfshijnë, midis të tjerash, çdo lloj të drejtë financiare, audiovizuale dhe regjistrim në radio, të drejtat e riprodhimit dhe transmetimit, të drejtat e multimedias, të drejtat e marketingut dhe reklamave dhe të drejtat për jo-materiale si emblemat dhe të drejtat që dalin mbi bazën e ligjit shqiptar për të drejtat e autorit.
2. Komiteti Ekzekutiv i FSHF vendos se si dhe deri në çfarë mase përdoren këto të drejta dhe harton rregullore specifike për këtë qëllim.
3. Vetëm Komiteti Ekzekutiv vendos nëse këto të drejta duhet të përdoren në mënyrë eskuzive, bashkërisht me një palë të tretë ose tërësisht nga një palë e tretë.

VIII. SHPËRBËRJA

Neni 56 **Vendimet**

Çdo vendim që lidhet me shpërbërjen e FSHF, kërkon një shumicë prej 2/3 e votave të të gjithë delegatëve të FSHF që janë pjesëmarrës në mbledhjen e Asamblesë së Përgjithshme të thirrur për këtë qëllim.

Neni 57 **Dispozitat mbi pasuritë**

Në rastin e shpërbërjes, Asambleja e Përgjithshme me 2/3 e votave vendos për përdorimin e pasurive neto duke reflektuar këtë në kërkesën që i drejtohet gjykatës e cila do të aprovojë shpërndarjen.

IX. DISPOZITA PËRFUNDIMTARE

Neni 58 **Çështje që nuk janë parashikuar në Statutet**

Komiteti Ekzekutiv i FSHF duhet të zgjidhë në mënyrën e duhur dhe të drejtë, çdo çështje që nuk është parashikuar në këto Statute ose në rastet e forcave madhore (tërmet, përmbytje etj)

Neni 59 **Miratimi dhe data e hyrjes në fuqi**

1. Ky Statut u aprovua nga Asambleja e Përgjithshme, e mbajtur në 9 Qershor 2007 në Durrës. Ato zëvendësojnë tërësisht çdo Statut të mëparshëm të FSHF.
2. Statuti hyn në fuqi kur rregjistrohet në gjykatën civile të Tiranës.

Neni 60

Dispozita të përkohshme

1. Viti financiar për sezonin 2008-2009 do të mbuloj periudhën nga 01 Gusht 2008 deri 31 Dhjetor 2009 me qëllimin për tu përputhur me këtë Statut.
2. Me hyrjen në fuqi të këtij Statuti, do të ketë një rivlerësim të kërkesave statutore të domosdoshme për të gjithë anëtarët aktual të FSHF-së. Ata kanë nevojë të adoptojnë formën ligjore në përputhje me Ligjin për Sportin. Veç kësaj ata duhet të përputhen plotësisht me Nenin 5 dhe duhet të dorëzojnë të gjitha dokumentat e nevojshme brenda afatit të përcaktuar nga KE dhe për tu ndjekur nga Sekretariati. Mbas vlerësimit të këtyre kërkesave Sekretariati i Përgjithshëm i rekomandon KE të rikonfirmoj statutisin e anëtarësimit. Nëse KE refuzon të japë rikonfirmimin, anëtari aktual i FSHF-së mundet të apeloj në Asamblenë e Përgjithshme, e cila merr vendimin përfundimtar për anëtarësimin.

Botim Zyrtar 2017